



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

**Parisiis, 1644**

Capitvla.

**urn:nbn:de:hbz:466:1-15625**

ANNO  
CHRISTI  
932.  
\* Ruitge-  
ro, qui  
anno 934  
obit.

\* Mona-  
sticenis

\* de his  
membris  
precedens,  
tam, ut  
insinuat  
sequens  
particula,  
quam.

fissimis sacerdotibus, id est \* R. sanctæ Treuerensis ecclesiæ archiepiscopo, Vnni sanctæ Hamburgensis ecclesiæ episcopo, Adaluardo † Fardunensis ecclesiæ episcopo, Rino Argentinæ ciuitatis episcopo, Nodingo Constantinæ ecclesiæ episcopo, Vnuano Padeburnensis ecclesiæ episcopo, Bernardo Halberstadenſis ecclesiæ episcopo, Othilrico Augustodunēſis ecclesiæ episcopo, Burchardo Vvirtzeburgensis ecclesiæ episcopo, Duodone Osnaburgensis ecclesiæ episcopo, Rumaldo \* Memigernafurdensis ecclesiæ episcopo, Eburgiso † Mimidonensis ecclesiæ episcopo, nec non & abbatibus, aliisque sacri ordinis viris. Porro cum eorum vnanimitate, ac primum Deo fauente, eorum capitula infra notata, \* quam pro populi Christiani correctione collecta sunt.

† Virtu-  
nensis ho-  
die in Gal-  
lia, sed ma-  
lim de Ger-  
mania capi.  
Nam & ap-  
dosi Ger-  
mania po-  
puli, qui  
forte sunt  
Tacito  
Suardones.  
† Antonino  
Minnedu-  
num, vulgo  
Milden.

## CAPITVLA.

### I.

Vt deinceps natalitia duodecim apostolorum summa veneratione solenniter celebrentur: & in vigiliis antiquitus statutis atque hactenus ab antecessoribus nostris seruatis ieiuniorum vota omni diligentia persoluere decernimus: quia quos cælitus sublimioris meriti scimus, hos & amplioris dignitate honoris a nobis colendos esse non dubitamus.

### II.

Placita sæcularia dominicis vel aliis festis diebus, seu etiam in quibus legitima ieiunia celebrantur, secundum canonicam institutionem, minime fieri volumus. Insuper quoque gloriosissimus rex ad augmentum Christianæ religionis concessit, vt nulla iudiciaria potestas licentiam habeat Christianos sua auctoritate ad placitum bannire septem diebus ante natale Domini, & a quinquagesima vsque ad octauas paschæ, & septem diebus ante na-

Burch. lib.  
13. c. 21. luo  
p. 4. c. 51.  
Decret. 15.  
q. 4. c. Pla-  
cita.

tiuitatem sancti Ioannis Baptistæ, quatenus ad-  
eundi ecclesiam, orationibusque vacandi liberius  
habeatur facultas.

ANNO  
CHRISTI  
934.

## III.

Burch. lib.  
13. cap. 28.  
Iuo part. 4.  
cap. 60.

Præcipimus namque, vt nullus Christianus eccle-  
siam pro reuerentia petendo, ibique manendo,  
indeque reuertendo, alicuius publicæ potestatis  
banno ibidem constringatur, ne forte, dum ad ec-  
clesiam causa orationum properat, per bannum  
impediatur pro salute animæ deuote insistere.

## IV.

Similia  
quædam in  
Concilio  
Agathensi  
Can. 4.  
apud Iuon.  
part. 6, cap.  
226.

Si quis presbyter aut diaconus negligens vi-  
tæ suæ, mala de se suspicari permiserit, & eius infam-  
ia coram episcopo canonice denotatur, admo-  
neatur ab episcopo semel, bis, ac tertio, vt vel  
prodendo reatum culpabilem se esse cognoscat,  
& sic iustæ correptionis sententiam excipiat; aut  
adhibitis secum collegis iuramento se expurgan-  
do innocentem se esse demonstret.

## V.

Burch. lib.  
13. cap. 27.  
Iuo part. 4.  
cap. 59.

Vt nemo nisi consentiente proprio episcopo,  
aut eius misso sub obtentu religionis ieiunium  
sibi imponat, vnum præ aliis excipiendo, omni-  
modo interdiciamus. Quod & factum displicet,  
& in futurum fieri prohibemus, quia plus causa  
ariolandi esse cognoscitur, quam supplementum  
legis catholicæ.